

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 43. stav (1) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25) i Programa utroška sredstava Budžeta Zeničko-dobojskog kantona za zdravstvenu zaštitu životinja u 2025. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405, "Subvencije-veterinarstvo", „budžetska sredstva“ - Izvor 10, broj: 02-11-15783/25 od 22.08.2025. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 101. sjednici, održanoj 17.10.2025. godine, d o n o s i

O D L U K U

za naknadu štete za eutanizirane životinje

Član 1. **(Predmet)**

Odobravaju se sredstva u iznosu od 9.575,00 KM (slovima: devethiljadapetstotina sedamdesetpet konvertibilnih maraka) radi naknade štete vlasnicima životinja zbog provođenja naređenih mjera eutanazije 4 goveda oboljela od zarazne bolesti bruceloza i uništavanje 3 pčelinja legla oboljela od zarazne bolesti Američka gnjiloća pčelinjeg legla.

Član 2. **(Analitička konta)**

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25), sa razdjela 23 – Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „Subvencije-veterinarstvo“- budžetska sredstva - Izvor 10.

Član 3. **(Uplata sredstava)**

Odobrena sredstva iz člana 1. ove odluke isplatit će se na transakcijske račune prema priloženom spisku od rednog broja 1. do 5. koji čini integralni dio ove odluke - Aneks.

Član 4. **(Realizacija Odluke)**

Za realizaciju ove odluke zadužuju se Ministarstvo za poljoprivredu šumarstvo i vodoprivredu i Ministarstvo finansija, svako u okviru svoje nadležnosti.

Član 5. **(Stupanje na snagu)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-18794/25
Datum, 17.10.2025. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x „Službene novine Zeničko-dobojskog kantona“,
1x a/a.

Spisak vlasnika životinja koji su ostvarili pravo na naknadu štete za eutanazirane životinje u 2025.godini

R/b	Korisnik	Eutanazija i neškodljivo uklanjanje	Iznos finansiranja
1.	Almir Halilović, Dobropolje bb, Tešanj	3 pčelinje zajednice	300,00 KM
2.	Farma „Halać“, vl. Halać Saudin	1 krava	2.650,00 KM
3.	Domaća radinost „Malik“, vl. Malik Husejnović	1 krava	1.975,00 KM
4.	Senahid Avdukić	1 krava	2.000,00 KM
5.	PO „TRI BRATA“	1 krava	2.650,00 KM
UKUPNO:			9.575,00 KM